

第肆冊

卷八

學校

甯陽續志

民國二十年一月補刊

甯陽縣志卷八

學校

廟制

文廟

在縣署東

大成殿五楹

康熙二十三年

御書萬世師表

雍正五年

御書生民未有

乾隆二年

御書與天地參

嘉慶三年

御書聖集大成

道光元年

御書聖協時中

咸豐元年

御書德齊疇載

同治元年

御書聖神天縱

光緒元年

御書斯文在茲

兩廡各七楹前爲大成門東左賢門西右賢門中爲泮池石橋稍前左爲東華門右爲西華門前爲靈星門前爲萬仞坊久廢前東爲德配天地坊西爲道冠古今坊併久廢今易以門仍題舊額前爲照壁壁前爲神道抵東西街道盡爲金聲玉振坊

同治十一年紳士甯復箴等重修有碑記見藝文

坊前中爲障壁

修建

廟址舊縣署也元大德初縣署西遷乃建廟於此後遭回祿至元間縣簿靳良輔創建兩廡各四楹明宣德間知縣孔公朝重修景泰間御史吳朝縉縣丞齊郁重修成化間主事張盛黃世用喬縉知縣劉愷縣丞濮陽瑾重修嘉靖十七年主事張文鳳創建泮池石橋三十八年主事游季勳知縣張大容席穆募修殿廡隆慶元年選貢王法祖創建琉璃障壁高一丈五尺闊二丈一尺萬曆十六年巡撫李戴參政萬象春郝維喬推官楊初

東知縣王之彥鄒學會開神路南抵許家巷豎金聲玉
振石坊二十三年知縣徐汝冀以堪輿家言移建靈星
門於內數武增置街南照壁三十五年知縣吳夢周重
修大成殿明倫堂兩廡諸處崇禎初知縣冀宏道重修
大成殿靈星門

國朝順治七年知縣及畚重修大成殿東廡康熙十年知
縣劉興漢重修大成殿西廡大成門神路泮池靈星門
萬仞坊三十八年知縣李溫皋重修靈星門創置靈星
門前照壁雍正十三年知縣熊銓重修道光十六年知

縣孫鵬翥教諭甯彤元議募興修監生李蔚亭捐貲重修二十六年廩生趙湘等呈請以回乾柏樹變價錢三百千別由舉人周遠昌勸捐錢一千餘千重修大成殿泮池及東西兩廡等處又自捐錢一百餘千添置祭器咸豐庚申之變兩廡神牌焚燒殆盡紳士甯復箴捐市錢二百千修復如初皆其弟錫鐘書

錫鐘見廕敘錄

年久失修大成殿東西兩廡以及附祀各祠漸就傾圮靈星門石坊久廢復遭捻逆兵燹殘剝益甚光緒六年知縣高陞榮以修縣志餘貲自捐市錢二百千署知縣

甄慶蕙捐錢一百千教諭莊玉佩訓導孔繼虞各捐錢
五十千又廣爲募捐經紳士張樹培甯復箴劉廷韓程
肇棠龔文峻張魯瞻督工重修大成殿五楹東廡七楹
西廡七楹大成門三楹東左賢門曰聖域西右賢門曰
賢關今以出入皆由前門乃去門易墻泮池濬治加深
補葺石橋前左東華門右西華門自德配天地道冠古
今坊廢扁卽懸此二門今仍修爲門前靈星門易以木
坊前萬仞坊久廢易以照壁嵌萬仞宮牆舊石刻於壁
名宦鄉賢祠各三間一概修整完固如初門格楹柱扁

坊油彩一新是年初夏興工至仲冬歲事共費市錢六千八百七十五貫有奇內外各門扁額皆紳士周滂楸

書滂楸見文學傳有碑記見藝文重增

崇聖祠舊名啟聖祠自明嘉靖九年始建祠通祀國朝雍正元年加封王爵改今名

修建

舊址在御製亭後明萬厯元年知縣尹校縣丞張來騏創建三十三年知縣徐汝冀移建今址

國朝道光九年教諭朱曾誥募捐重修

文昌閣

一名奎文閣自明景泰五年始祀學宮

修建

舊爲文昌祠明萬曆十六年巡撫李戴參政萬象春郝維喬推官楊初東知縣王之彥鄉學會重修三十三年知縣徐汝翼以堪輿家言改建銳閣三層上圓下方爲本學青龍秀峯舊祠三間移閣後爲諸生會課之所萬曆末知縣吳夢周崇禎初知縣冀宏道相繼重修後廢國朝順治七年知縣及畬創建於東南城上康熙元年知縣何如龍移建城下二十五年知縣陳學夔復建今址

監生許國珍
助銀貳拾兩

魁星樓

修建

康熙三十四年署知縣韓峯起創建於城上東南隅久
圯雍正四年邑人周果劉杞張時敘李成龍募建於文

昌閣東

名宦祠

在學宮大成門東明洪武四年詔天下學校各
建先賢祠左祀賢牧守右祀鄉賢會與古今

名宦鄉賢載在祀典者設祠
於學宮內令有司歲時致祭

修建

始建無考康熙元年知縣何如龍重修三十八年知縣

李温皋重修

鄉賢祠

在大成門西

修建

始建無考順治六年知縣及畚重修康熙三十年監生周仔世重修道光十六年教諭甯彤元募捐修葺監生甯遴選拔貢甯葆惺捐錢五十六緡

位次

文廟正殿主位

至聖先師孔子 自漢平帝元始元年始追封孔子為褒

成宣尼公以後代有封號唐太宗貞觀四年始詔州縣
學皆立孔子廟致祭元宗開元二十七年追諡爲文宣
王廟像改服袞冕明嘉靖九年改稱 至聖先師孔子
去像易木主

國朝順治二年定諡號爲 大成至聖文宣先師孔子之
位十四年議改爲 至聖先師孔子神位各學俱用新
牌奉祀

四配位 自北魏正始二年祀孔子以顏子配宋徽宗
崇甯四年始升孟子並配度宗咸淳三年復以曾子子

思子升配後併因之

國朝沿前制

復聖顏子 名回字子淵魯人言行見論語唐贈兗公

宋封兗國公元封兗國復聖公肖像明嘉靖九年改稱
復聖顏子去像易木主

宗聖曾子 名參字子與魯南武城人言行見論語作
大學唐贈郕伯宋封郕國公元封郕國宗聖公肖像明
嘉靖九年改稱宗聖曾子去像易木主

述聖子思子 名伋字子思至聖孫作中庸宋崇甯初

封沂水侯咸淳初封沂國公元封沂國述聖公肖像明
嘉靖九年改稱述聖子思子去像易木主

亞聖孟子 名軻字子輿一字子車鄒人作孟子宋封
鄒國公元封鄒國亞聖公肖像明嘉靖九年改稱亞聖
孟子去像易木主

十二哲位 北魏孝靜帝興和三年兗州刺史李瑱始
建聖像雕塼十子侍側蓋列於四科者也唐元宗開元
二十七年詔諸州縣學夫子南面坐十哲東西列侍是
時顏子居十哲之首而曾子子思子孟子皆不得與宋

度宗咸淳三年列顏子於四配始升祔顓孫子於十哲
元明并因之

國朝沿前制

升祔有子朱子爲十二哲

並稱先賢

先賢閔子 名損字子騫魯人言行見論語唐贈費侯

宋封琅邪公改封費公明嘉靖九年改稱先賢以下諸

賢並同

冉子 名耕字伯牛魯人言行見論語唐贈鄆侯宋封

東平侯加封鄆公

端木子 名賜字子貢衛人言行見論語唐贈黎侯宋

封黎陽公改封黎公

仲子 名由字子路下人

家語作弁人

言行見論語唐贈衛

侯宋封河內公改封衛公

卜子 名商字子夏衛人言行見論語唐贈魏侯宋封

河東公改封魏公

有子 名若字子若

家語字子有

魯人唐贈卞伯宋封平陰

侯 國朝乾隆二年升祔十一哲

冉子 名雍字仲弓魯人言行見論語唐贈薛侯宋封

下邳公改封薛公

宰子 名予字子我魯人言行見論語唐贈齊侯宋封
臨淄公改封齊公

冉子 名求字子有魯人言行見論語唐贈徐侯宋封
彭城公改封徐公

言子 名偃字子游吳人言行見論語唐贈吳侯宋封
丹陽公改封吳公

顓孫子 名師字子張陳人言行見論語唐贈陳伯宋
封宛邱侯加封陳國公升十哲位

朱子 名熹字元晦一字仲晦宋婺源人著易本義詩

集傳大學中庸章句論語孟子集註其餘著作凡數百
 卷合數百餘萬言闡明聖道為儒者宗歿諡曰文寶慶
 二年贈太師追封信國公後改徽國公清祐元年從祀
 文廟元順帝至正二十二年改封齊國公 國朝康熙
 五十一年升祔十二哲

東廡

先賢四十位先儒三十四位謹按從祀賢儒
 唐以後皆書爵明嘉靖改稱子不書爵 國

朝惟配哲大賢稱子兩廡從祀諸賢儒第書姓名
 不稱子其東西位次以同治二年禮部奏准頒行

圖冊為定

先賢公孫僑 字子產鄭大夫事蹟詳左氏春秋傳及

論語諸書咸豐七年禮臣議曰春秋列國賢大夫最契
聖心者莫如蘧伯玉子產伯玉旣准從祀子產學行誠
不愧爲聖人之徒應准從祀

先賢林放 放 字子邛魯人唐贈清河伯宋封長山侯
明嘉靖九年改祀於鄉 國朝雍正二年禮臣議曰按

論語載林放問禮之本子曰大哉問應請復祀從之

先賢原憲 憲 字子思魯人家語作宋人見論語唐贈原伯

宋封任城侯

先賢南宮适 适 字子容魯人見論語唐贈郟伯宋封龔

邛侯改封汝陽侯按南宮适一名緡适一作括與南宮

敬叔似是兩人

先賢商 瞿 字子木魯人史稱孔子傳易於瞿語具

漢書唐贈蒙伯宋封須昌侯

先賢漆雕開 字子開 家語作子若漢書作漆雕啟 魯人見論語所

著有漆雕子十三篇見漢書唐贈滕伯宋封平輿侯史釋

孔門諸子言行篇漆雕開下引說苑孔子問於漆雕馬人云云家語作漆雕憑

先賢司馬耕 字子牛見論語左傳 家語作司馬黎耕宋人 唐贈

向伯宋封楚邛侯改封綏陽侯

先賢梁 鱣 字叔魚齊人見家語史記唐贈梁伯宋

封千乘侯

先賢冉 孺 家語作儒字子魯一作子魚魯人唐贈

紀伯宋封臨沂侯

先賢伯 處 家語作處 字子皙一作子楷魯人見家語

史記唐贈聊伯宋封沐陽侯

先賢冉 季 字子產一字子達魯人見史記家語唐

贈東平伯宋封諸城侯

先賢漆雕徒父 史記字子有家語名從父字子文唐

贈須句伯宋封高苑侯

先賢漆雕哆 家語作侈字子斂魯人唐贈武城伯宋

封濮陽侯

先賢公西赤 字子華魯人見論語唐贈郛伯宋封鉅

野侯

先賢任不齊 字子選楚人見家語史記唐贈任城伯

宋封當陽侯

先賢公良孺 家語作儒字子正陳人賢而有勇常以

家車五乘從孔子唐贈東牟伯宋封牟平侯

先賢公肩定 史記字子中家語肩作堅中作仲魯人

一曰衛人唐贈新田伯宋封梁父侯

公肩史記作堅家語作肩一作有一

曰晉人元和姓纂孔子弟子有公齊定

先賢鄭

單

字子家魯人見史記唐贈銅鞮伯宋封

膠東侯

鄭一作鄭

先賢罕父黑

史記字子索

一作素

魯人家語罕作宰索

作黑按氏族略有宰父氏唐贈乘邱伯宋封祁鄉侯

元和

姓纂仲尼弟

子宰父黑

先賢榮

旂

史記字子祺家語旂作祈魯人唐贈雩

婁伯宋封厭次侯

先賢左人郢 史記字行家語作左郢字子行魯人唐

贈臨淄伯宋封南華侯

先賢鄭

國

史記字子徒聚語薛邦

史記索隱邦作國者避漢諱薛

日鄭者字譌朱竹垞弟子考以薛鄭為兩人

字子從一作子徒魯人唐贈榮

陽伯宋封胸山侯

先賢原

亢

史記字藉家語亢作桃藉作子藉

古本家語

一作原亢藉一作籍

魯人唐贈萊蕪伯宋封樂平侯

先賢廉

潔

史記字庸家語潔作絜庸作曹衛人唐

贈莒父伯宋封胙城侯

先賢叔仲會 一作仲叔字子期見史記家語唐贈瑕

邛伯宋封博平侯

史記注晉人
家語作魯人

先賢公西輿如

史記字子上家語輿如作與魯人唐

贈重邛伯宋封臨胸侯

先賢邾

巽

史記字子斂家語巽作選斂作飲唐贈

平陸伯宋封高堂侯

魯人一作邾選作
國選者避漢諱

先賢陳

亢

字子禽陳人見論語唐贈穎伯宋封平

陽侯

亢說文作伉或
曰子貢弟子

先賢琴 張 字子開 一作牢 字子張 見論孟家語唐

贈南陵伯宋封平陽侯

孟子趙注引論語師也辟以琴張為子張似誤 張衛人

先賢步叔乘 字子車 齊人 見史記家語唐贈淳于伯

宋封博昌侯

步叔一作少叔

先賢秦 非 字子之 魯人 見史記家語唐贈汧陽伯

宋封華亭侯

先賢顏 噲 字子聲 魯人 見史記家語唐贈朱虛伯

宋封濟陰侯

先賢顏 河

字冉

古本家語字稱今本無

魯人 見史記唐贈開

陽伯宋封堂邑侯明嘉靖九年罷祀 國朝雍正二年

禮臣議曰按史記仲尼弟子列傳載顏何字冉北齊顏
之推家訓云孔門升堂顏氏居八宋人顏高贊亦稱八
賢何居其一應請復祀從之

先賢縣 直 字子象 史記索隱作縣豐廣
韻作縣直父字子乘 魯人見家

語唐宋封爵未詳明嘉靖九年罷祀 國朝雍正二年
禮臣議曰史記但有鄒單之名而家語無之因以單直
同音定爲一人乃祀鄒單而去縣直當時原無確據今
請復祀從之

先賢牧 皮 見孟子 國朝雍正二年禮臣議曰牧皮見於孟子趙岐註云牧皮與琴張曾皙皆從學於孔子者也進從祀

先賢樂正克 周人宋封利國侯 國朝雍正二年禮臣議曰孟子稱樂正子爲善人信人又曰其爲人也好善方之聖門當在子羔之列進從祀

先賢萬章 齊人宋封博興伯 國朝雍正二年禮臣議曰史記稱孟子所如不合 而與萬章之徒序詩書述仲尼之教進從祀

先賢周敦頤 字茂叔號濂溪宋道州人著太極圖及通書四十篇歿諡曰元淳祐元年追封汝南伯從祀元至順二年加封道國公明崇禎十五年改稱先賢

先賢程 顥 字伯淳宋河南人自孟子沒而聖學不傳程子以斯文爲己任辨異端闢邪說使聖道復明蓋自孟子之後一人而已學者稱明道先生諡曰純淳祐元年封河南伯從祀元至順二年加封豫國公明崇禎十五年改稱先賢

先賢邵 雍 字堯夫宋河南人著皇極經世觀物內

外篇漁樵問答擊壤集歿諡康節咸淳三年封新安伯
從祀明崇禎十五年改稱先賢

先儒公羊高 齊人受春秋於子夏作公羊傳自漢以
來其學大行唐貞觀二十一年從祀宋封臨淄伯

先儒伏 勝 字子賤漢濟南人傳今文尙書後爲歐
陽大小夏侯三家並立學官唐時從祀宋封乘氏伯

先儒毛 亨 受詩於荀卿以授毛萇同治二年從祀
先儒孔安國 字子國夫子十一世孫傳古文尙書五
十九篇承詔作傳引序各冠其篇首定五十八篇謂之

尙書古文之學唐時從祀宋封曲阜伯

先儒后 蒼 字近君漢東海鄭人傳禮著后氏曲臺

記後傳大小二戴今小戴記與周官六篇古經十七篇
並傳蒼啟之也明嘉靖九年考求古禮以蒼爲禮之宗
詔從祀

先儒鄭 元 字康成漢高密人唐貞觀中從祀明嘉

靖中改祀於鄉 國朝雍正二年禮臣議曰鄭康成所

注周易尙書毛詩儀禮禮記論語孝經尙書大學等書
凡百餘萬言囊括大典網羅百家其出處進退一衷於

道朱子云可謂大儒復從祀

先儒許慎字叔重汝南召陵人東漢和帝時仕至

太尉南閣祭酒所著說文解字十四篇爲小學淵海光

緒元年禮臣議曰許慎昌明古學羽翼羣經應從祀

先儒范甯字武子晉丹陽人累官豫章太守唐貞

觀中從祀明嘉靖中改祀於鄉國朝雍正二年禮臣

議曰范甯著春秋穀梁集解詞意精密至今遵行之宋

儒謂三傳之學惟穀梁所得爲多穀梁之解惟范甯所

著最善復從祀

先儒陸 贄 字敬輿唐嘉興人仕至中書侍郎平章
事事蹟具唐書 國朝道光六年禮臣議曰贄正以守
己忠以事君綜天德王道之全無術數權謀之雜使與
七十子並世當在德行政事之科進從祀

先儒范仲淹 字希文宋吳縣人累官資政殿學士陝
西四路宣撫使事蹟具宋史 國朝康熙五十四年從

祀

先儒歐陽修 字永叔宋廬陵人累官參知政事事蹟
具宋史明嘉靖九年從祀

先儒司馬光 字君實宋夏縣涑水鄉人累官尙書左僕射兼門下侍郎事蹟具宋史所著資治通鑑等書並行於世咸淳三年從祀

先儒謝良佐 字顯道宋上蔡人與楊時游酢呂大臨在程門號四先生所著有論語說行於世 國朝道光十九年從祀

先儒羅從彥 字仲素宋南劍人傳龜山之學稱豫章先生明萬曆四十二年從祀

先儒李 綱 字伯紀邵武人宋丞相立朝守正風節

凜然亮節純忠炳著史冊 國朝咸豐元年從祀

先儒張 栻 字敬夫宋緜竹人累官右文殿修撰所

著論語孟子說太極圖說等書並行於世學者稱南軒
先生景定二年從祀

先儒陸九淵 字子靜宋金谿人累官知荆門軍其學

以深思靜悟爲主與朱子稍異謂爲象山之學明嘉靖
九年從祀

先儒陳 淳 字安卿宋龍溪人受朱子之學時稱北

溪先生 國朝雍正二年禮臣議曰陳淳所著語孟大

學中庸口義等書其言太極言仁諸篇發明天理全體
示學者標的進從祀

先儒真德秀 字景元宋浦城人累官資政殿學士所
學一以朱子爲宗黨禁旣開正學遂明於天下後世皆
其力也所著西山甲乙稿經筵講義等書並行於世而
大學衍義一書尤有裨於治道世稱西山先生明正統
元年從祀成化三年封浦城伯

先儒何 基 字子恭宋金華人師事黃勉齋 國朝
雍正二年禮臣議曰何基黃幹弟子得淵源之懿所著

解釋大學中庸書大傳易啟蒙通書近思錄皆以發揮
爲名其學本於實心刻苦工夫所謂謹之又謹者也進
從祀

先儒文天祥 字聖瑞宋廬陵人由進士對策第一歷
官右丞相少保信國公至元十五年爲元將所執在燕
三年不屈死之事蹟具宋史 國朝道光二十三年從

祀

先儒趙復 字仁甫元德安人世祖時楊惟中建太
極書院取遺書八千餘卷請復教授其中世稱江漢先

生 國朝雍正二年禮臣議曰趙復爲元初名儒所著
傳道圖伊洛發揮希賢錄等書北方知有程朱之學實
自復始進從祀

先儒金履祥 字吉父元蘭溪人事同郡王柏講貫朱
子之學所著有通鑑前編等書學者稱仁山先生 國
朝雍正二年禮臣議曰履祥何基弟子所著有大學章
句疏義論語孟子集註考證書表註多先儒未發之義
進從祀

先儒陳 澔 字可久元都昌人有禮記集註行於世

學者稱雲佳先生 國朝雍正二年禮臣議曰陳潛生於宋季不求聞達潛修禮經著禮記集註明洪武時列於學官至今三百餘年士子俱遵奉之進從祀

先儒方孝孺 字希直事蹟具明史同治二年准從祀

先儒薛瑄 字德溫明河津人累官禮部右侍郎兼

學士入閣學以聖賢爲師教以復性爲本所著有讀書錄續讀書錄行於世隆慶五年從祀

先儒胡居仁 字叔心明餘干人受學於吳康齋以主忠信爲本以求放心爲要所著有居業錄敬齋集楊廉

稱其粹然一出於正萬曆十二年從祀

先儒羅欽順 字允升明泰和人歷官吏部尙書事蹟

具明史 國朝雍正二年禮臣議曰羅欽順爲司業以
實行課士潛心格物致知之學王守仁以心學立教才
智之士翕然師之欽順致書闢之往復再三著困知記
周程微言至今不墜者欽順之力也進從祀

先儒呂 柟 字仲木高陵人事具明史儒林傳受學

薛敬之接薛瑄之傳以窮理實踐爲主學者稱涇野先
生同治二年禮臣議准從祀

先儒劉宗周 字起東明山陰人累官左都御史明亡
不食死事蹟具明史其學以誠意爲主而歸功於慎獨
謂良知之說鮮有不流於禪者學者稱念臺先生 國
朝道光二年從祀

先儒孫奇逢 字啟泰號鍾元直隸容城人明萬曆舉
人入 國朝流寓河南隱居蘇門山講學參酌朱陸之
間主於明體達用所著有讀易大旨理學傳心纂要等
書學者稱蘇門先生道光八年從祀

先儒張履祥 字考夫一字念芝桐鄉縣人學者稱楊

園先生所著有經正錄願學記問等書咸豐十年禮臣議曰張履祥祖述孔孟憲章程朱應從祀

先儒陸隴其 字稼書浙江平湖人累官監察御史所著有松陽講義困勉錄四書大全等書行於世雍正二年禮臣議曰隴其精研程朱之學所著書發前人所未發絲毫不詭於正爲昭代醇儒進從祀

先儒張伯行 字孝先號恕齋儀封人官至禮部尙書諡清恪 國史有傳光緒四年禮臣議曰張伯行闡明聖學扶持世教准從祀

西廡 先賢三十九位
先儒三十三位

先賢蘧 瑗 字伯玉衛人見論語事蹟見左傳唐開元二十七年從祀贈衛伯明嘉靖九年改祀於鄉 國朝雍正二年禮臣議曰蘧瑗汲汲於仁以善自終應請復祀從之

先賢澹臺滅明 字子羽魯武城人見論語唐贈江伯宋封金鄉侯

先賢宓不齊 字子賤魯人見論語事蹟散見家語說苑諸書所著有宓子十六篇見漢書唐贈單父伯宋封

單父侯

戰國策作服子

先賢公冶長

字子長齊人

家語長魯人一作長范甯云字子芝見論語

唐贈莒伯宋封高密侯

先賢公皙哀

字季次皙一作哲哀一作克見家語史

記太史公稱季次原憲懷獨行君子之德義不苟合當

世唐贈鄒伯宋封北海侯

公皙潛夫論作析家語作字季沈

先賢高

柴

字子羔一作皋

檀弓作季子皋齊人見論語事

蹟散見家語禮記唐贈共城伯宋封共城侯

先賢樊

須

字子遲魯人見論語並見左傳唐贈樊

伯宋封益都侯

先賢商 澤 史記字子季家語季作秀唐贈睢陽伯

宋封鄒平侯

先賢巫馬施 字子期一作旗見論語曾為單父宰見

家語唐贈鄒伯宋封東阿侯史記注施魯人
家語在陳人

先賢顏 辛 一作幸一作韋字子柳魯人見史記家語

唐贈蕭伯宋封陽穀侯

先賢曹 邴 字子循蔡人見史記家語唐贈曹伯宋

封上蔡侯

先賢公孫龍 史記字子石家語龍作寵唐贈黃伯宋

封枝江侯 史記龍楚人家語作衛人史記正義作趙人

先賢秦商 史記字子丕家語字不慈魯人 一作朱楚人

葬尊弟子考秦子父堇父偃陽之役與孔子父叔梁紇

俱以勇力聞唐贈上洛伯宋封鄆城侯 左傳不慈

先賢顏高 史記字子驕家語高作剋 言本家語魯作顏產

人孔子適陳過匡顏剋為僕 一作刻唐贈環邪伯宋封

雷澤侯

先賢壤駟赤 史記字子徒家語壤作穰徒作從秦人

唐贈北徵伯宋封上邽侯

先賢石作蜀 字子明家語作石子蜀秦成紀人按石

作複姓唐贈郿邑伯宋封成紀侯

先賢公夏首 史記字乘家語首作守乘作子乘唐贈

亢父伯宋封鉅平侯

史記公夏首魯人

先賢后 處 史記字子里家語后作石子里作里之

齊人唐贈營邱伯宋封膠東侯

先賢奚容蒧 史記字子皙衛人家語奚容作奚皙作

偕魯人唐贈下邳伯宋封濟陽侯

先賢顏祖 史記字襄家語祖作相襄作子襄魯人

唐贈臨沂伯宋封富陽侯

先賢句井疆 史記字子疆一字衛人家語句作句唐

贈淇陽伯宋封滏陽侯

先賢秦祖 字子南秦人見史記家語唐贈少梁伯

宋封甄城侯

先賢縣成 史記字子祺家語字子橫魯人唐贈鉅

野伯宋封武城侯

先賢公祖句茲 史記字子之家語句茲作茲弟子考

作魯人唐贈期思伯宋封卽墨侯

先賢燕 伋 史記字思家語伋作級思作子思秦人

唐贈漁陽伯宋封泝源侯

先賢樂 欬 史記字子聲家語欬作欣魯人唐贈昌

平伯宋封建成侯

先賢狄 黑 史記字皙家語字皙之一字衛人唐贈

臨濟伯宋封林慮侯

先賢孔 忠 史記字子蔑家語作孔弗孔子兄孟皮

之子亦作孔蔑曾問行己之道唐贈汝陽伯宋封鄆城

侯

先賢公西蒧 史記字子上家語上作尙魯人唐贈祝

阿伯宋封徐城侯

先賢顏之僕 字子叔魯人見史記家語唐贈東武伯

宋封冤句侯

史記之僕字叔

先賢施之常 史記字子恆家語恆作常魯人唐贈乘

氏伯宋封臨濮侯

先賢申 棖 見論語魯人弟子考字子續唐贈魯伯

宋封文登侯又史記申黨一作棠字周魯人唐贈魯伯

宋封淄川侯明嘉靖中以黨卽申棖乃罷祀

或以申棖申績申棠

為一人朱竹垞弟子考唐宋皆為兩人

先賢左邛明 中都人作左傳國語唐貞觀中從祀宋

封瑕邛伯改封中都伯

史記自序左邛失明厥有國語又十二諸侯年表魯君子左邛

明懼弟子人人異端各安其意失其真故因孔子史記具論其語成左氏春秋按自序以左邛連文自是復姓故前志據以書左邛子但年表又云左氏春秋則非復姓同出史記而未免抵牾悟自漢以後諸儒稱述多以邛明連文如劉歆云春秋左氏邛明所修杜預云孔子素王邛明素臣之類不一而足是以春秋三傳公羊穀梁皆稱複姓而左傳則但稱左且以為左氏春秋則左非複姓明已今改正

先賢秦 冉 字子開魯人明嘉靖中罷祀 國朝雍

正二年禮臣議曰史記仲尼弟子列傳載秦冉字開應請復祀從之唐贈彭衙伯宋封新息侯

先賢公明儀 魯武城人子張弟子亦曾子弟子咸豐

三年禮臣議曰公明儀持躬篤實守禮謹嚴准從祀

先賢公都子 齊人 國朝雍正二年禮臣議曰公都

子精研性善之旨力闢義外之說進從祀宋封平陰伯

先賢公孫丑 齊人 國朝雍正二年禮臣議曰趙岐

云孟子既歿其徒萬章公孫丑相與記其所言進從祀

宋封壽光伯

先賢張載字子厚宋大梁人著東銘西銘正蒙擴
聖賢所未發學者稱橫渠先生淳祐元年封郿伯從祀
崇禎十五年改稱先賢

先賢程頤字正叔少與兄顥受學周敦頤作易傳
於書無所不讀爲學一本於誠學者稱伊川先生張載
謂其兄弟得孔孟不傳之學以爲諸儒倡淳祐元年封
伊陽伯從祀元至順二年加封洛國公明崇禎十五年
改稱先賢

先儒穀梁赤魯人受春秋於子夏作穀梁傳漢時與

公羊並立學官公羊號齊學穀梁號魯學唐時從祀宋封龔邱伯改封睢陽侯明嘉靖九年改稱先儒以下諸儒倣此

先儒高堂生 本齊公族傳儀禮十七篇五傳得二戴而禮大明唐時從祀宋封萊蕪伯

先儒董仲舒 漢廣川人治春秋爲江都膠西王相凡所著述推明聖道黜抑百家爲羣儒首元至順元年從祀明洪武二十九年封江都伯成化三年改封廣川伯

先儒劉 德 西漢景帝子河間王諡曰獻本傳稱其

修學好古實事求是所得古文先秦舊書皆經傳記七十二子之徒所論山東諸儒多從之遊光緒二年禮臣議曰獻王於經籍散亡之後保殘補缺實於聖道大有裨應從祀

先儒毛 萇 趙人大毛公亨之子善說詩稱小毛公漢初詩經之學有齊魯韓三家萇自謂子夏所傳作毛詩故訓二十卷詩傳十卷後立於學官傳至今不絕唐時從祀宋封樂壽伯

先儒杜子春 漢河南緱氏人通周官爲馬鄭之學所

自出唐時從祀宋封綏氏伯

先儒諸葛亮 字孔明漢琅邪陽都人爲蜀漢丞相事

蹟具三國志 國朝雍正二年禮臣議曰亮之功業昭

著耳目而其居心仁恕開誠布公於出處大節君臣大

義純乎天理之正聖人之道不外倫常五倫以君臣爲

首若亮者真能事君盡禮者矣進從祀

先儒王 通 字仲淹隋龍門人講學河汾門人諡曰

文中子又收其議論分爲六部號王氏六經明嘉靖九

年從祀

先儒韓愈 字退之唐南陽人累官吏部侍郎所著

原道原性等篇與孟子相表裏排斥佛老二家羽翼聖

教學者仰之如泰山北斗宋元豐七年從祀封昌黎伯

先儒胡瑗 字翼之宋海陵人官湖州教授置經義

治事二齋授弟子以明體達用之學擢侍讀留主太學

士出其門者數千人河汾以後能立師道者以翼之爲

首學者稱安定先生明嘉靖九年從祀

先儒韓琦 字稚圭宋安陽人仕至司空兼侍中卒

贈尚書令諡忠獻事蹟具宋史 國朝咸豐二年進從

祀

先儒楊時字中立宋將樂人少游二程子之門盡

傳其學仕至龍圖閣直學士著三經義辨學者稱龜山

先生明宏治九年封將樂伯從祀

先儒尹焞字彥明一字德充宋洛人累官禮部侍

郎雍正二年禮臣議曰尹焞程伊川弟子所著有論語

解當時謂程門固多君子而質直宏毅實體力行若焞

者蓋鮮進從祀

先儒胡安國字康侯宋崇安人累官寶文閣直學士

初王安石廢春秋不列於學官安國作傳三十卷其書
與左公穀並行明正統元年從祀成化三年封建甯伯
先儒李 侗 字愿中宋劍浦人傳豫章先生之學稱
延平先生爲朱子師元封越國公明萬曆四十二年從
祀

先儒呂祖謙 字伯恭學以關洛爲宗累官著作郎兼
國史院編修卒朱子書其墓曰東萊先生之墓景定二
年封開封伯從祀

先儒袁 燮 字絜齋南宋鄞縣人仕至禮部侍郎所

著有毛詩經筵講義等書咸豐十年禮臣議曰袁燮學無門戶道合行藏應從祀

先儒黃 幹 字直卿號勉齋宋福州閩縣人受學朱子之門某官知安慶府有經解文集行於世 國朝雍正二年禮臣議曰濂洛關閩而後任斯道之統者斷推黃勉齋朱子授以所著書曰吾道之託在此吾無憾矣後金華四子遞衍其傳正學賴以不絕進從祀

先儒蔡 沈 字仲默宋建陽人西山元定之子少受朱子之學朱子命作書傳學者稱九峯先生明正統元

年從祀成化三年封崇安伯

先儒魏了翁 字華文宋邛州蒲江人常築室白鶴山下開門授徒由是蜀人盡知義理之學累官僉書樞密院事卒贈太師 國朝雍正二年禮臣議曰魏了翁當南宋邪說簧鼓之時正學賴以不墜所著九經要義周禮井田圖說等書於聖道大有發明進從祀

先儒王 柏 字會之宋金華人少從何基學得朱子之傳 國朝雍正二年禮臣議曰王柏標注點校四書通鑑綱目最爲精密所著讀易記等書數十種百餘萬

言皆闡發濂洛精義進從祀

先儒陸秀夫 宋丞相厓山殉節事蹟具宋史咸豐九年禮臣議曰陸秀夫主持國是績炳日星准從祀

先儒許衡 字仲平元河內人累官集賢院大學士兼國子祭酒其學尊信朱子平正篤實世稱魯齋先生至大二年封魏國公皇慶二年從祀

先儒吳澄 字幼清元崇仁人官翰林直學士著述甚富時稱草廬先生明嘉靖間罷祀 國朝乾隆二年復祀

先儒許謙字益之元金華人傳仁山之學世稱白雲先生國朝雍正二年禮臣議曰許謙讀書窮探深微所著有四書叢說詩名物鈔書傳叢說自省編等書何基王柏金履祥之學至謙而益顯故學者推原統緒以爲朱子世嫡進從祀

先儒曹端明澠池人霍州學正見明史儒林傳咸豐十年禮臣議曰曹端學術精純躬行實踐准從祀

先儒陳獻章字公甫明新會人特授翰林院檢討學者稱白沙先生其學博而能約雖無著述其答人論學

書已啟聖賢秘鑰萬曆十二年從祀

先儒蔡清字介夫明晉江人累官提學副使國

朝雍正二年禮臣議曰清之學以靜虛爲主以善易名
所著易經四書蒙引盛行於世進從祀

先儒王守仁字伯安明餘姚人所學以致良知爲主
與朱子少異士大夫翕然宗之謂爲姚江之學稱曰陽
明先生事蹟具明史累官巡撫都御史以功封新建伯
萬曆十二年從祀

先儒呂坤字叔簡明甯陵人歷官刑部左右侍郎

事蹟具明史剛介峭直留意正學居家與後進講習所
著述多出新義有呻吟語等書行於世學者稱新吾先
生 國朝道光六年從祀

先儒黃道周 字幼平明漳浦人學行推重於天下官
少詹事崇禎中坐劾輔臣楊嗣昌等杖繫謫戍南都亡
往見唐王以爲督師少傅武英殿大學士募兵出徽州
遇大兵被執至江甯不屈死之 國朝乾隆中諡忠端
道光五年禮臣議曰道周致命成仁完名全節生平講
學以格致爲宗而歸宿於至善進從祀

先儒陸世儀 太倉州人學者稱桴亭先生所著述四十餘種內思辨錄三十五卷尤畢生精詣所在同治十三年禮臣議曰陸世儀於近代講學諸家最爲篤實應從祀

先儒湯斌 字潛庵睢州人累官工部尙書受學於孫奇逢學術在朱陸之間所著有洛學編常語筆存等書號曰醇儒道光二年從祀

郎廷極文廟從祀考說 附錄二則

世多稱孔門弟子七十二賢祀於文廟大都以家語有

七十二弟子解一篇又文翁石室圖亦列七十二人遂
相沿襲然就家語篇中所敘述悉數之已有七十六人
矣史記仲尼弟子列傳則引孔子之言受業身通六藝
者七十有七人因備次其名姓今以此三書參攷異同

如顏何顏高

即家語顏刻

秦冉鄭國鄒單

即家語薛邦縣亶

公伯僚

論語作寮

申黨顏祖孔忠

即家語申續顏相孔弗

原亢籍

即家語原桃今祀原亢

史記所有而家語所無也琴牢陳亢顏刻薛邦懸亶申

續孔弗原桃則家語所有而史記所無也其姓名字義

微別如史記密不齊家語密作宓

今祀宓下文不敘會史記家語俱倣此

歲歲作點今祀南宮括括作韜今祀司馬耕作司馬黎

耕顏無繇作顏繇巫馬施施作期顏幸幸作幸今祀公

良孺冉孺孺並作儒公孫龍龍作寵公祖句茲作公祖

茲漆雕哆哆作侈漆雕徒父作漆雕從壤駟赤壤作穰

石作蜀作石子蜀后處后作石公夏首首作守奚容歲

作奚歲公堅定堅作肩今祀句井疆句作句罕父黑罕

作宰榮旂旂作祈縣成縣作懸樂欬欬作欣左人郢作

左郢燕攸攸作級邾巽巽作選公西輿如作公西與尤

人所易曉若文翁之圖視家語多遽瑗林放申棖秦冉

顏何五人視之記多遽瑗林放申棖琴張琴牢陳亢六
人而家語之多於文圖者公西與縣亶原桃公肩定公
夏守句并疆邾選懸成八人史記之多於文圖者公西
與如鄔單四尤籍公堅定公夏首句并疆邾婁縣成公
伯僚九人 隋以前孔廟止顏子一人配享東漢時雖
三亦七十二弟子止於闕里唐貞觀中加贈諸賢悉從
史記卷一百一十五丁七人又從家語文圖增遽瑗林放琴張琴牢
申棖五人天下學宮並遵行之迨宋祥符大觀中加封
從祀惟除去琴字 徐竝如開元元元元六知何以獨遺鄔

單一人至明嘉靖九年釐正祀典刪重複易舛謬以申

黨卽申棖存棖去黨家語作申績又有作申棠申績者則棠乃黨之謬而績又績之謬也

顏何卽顏高存高去何秦冉卽秦商存商去冉二人並見史記

琴張卽琴牢之字從書名例仍改牢更補祀鄭單公伯

僚以讒季路黜遽瑗林放本非孔子弟子改祀於其鄉

至是孔門從祀諸弟子乃定合而計之凡七十有六賢

祀正殿者十二人四配之顏曾又十哲也祀兩廡者六十二人祀

啟聖祠者二人顏路曾皙舊時公侯伯封爵皆不用止稱復

聖顏子宗聖曾子十哲而下概稱先賢神主皆冠以此

二字啟聖祠者中祀孔子父叔梁紇曰啟聖公孔氏而
以顏曾思孟及周程蔡朱之父從祀議者蓋以子配食
於殿而父坐庭廡非禮特爲建立亦嘉靖年間事頗合

禮法儒者譏之未免太過

明正統三年教授裴侃言天
下文學惟論傳道以列位次

闕里家廟宜正父子以敘彝倫顏子曾子子思子也配
享殿庭無繇子皙伯魚父也從祀廊廡非惟名分不正
抑恐神不自安况叔梁紇元已追封啟聖王創殿於大
成殿西崇祀而顏孟之父俱封公惟伯魚子皙仍侯乞
追封公爵偕顏孟俱配啟聖王殿帝命禮部行之仍加
伯魚子皙封號嘉靖九年大學士張璁言叔梁紇乃孔
子之父顏路曾皙孔鯉乃顏子曾子子思之父三子配
享廟庭路及諸父從祀兩廡原聖賢之心豈安請於大
成殿後別立室祀叔梁紇而以顏路曾
皙孔鯉配之帝以爲然下禮部議行

我

朝文治之隆超邁千古而膠鬲祀典亦遂因之

從祀諸儒歷代遞增亦皆有封號至嘉靖除去止稱述

聖子思子亞聖孟子伯魚向祀於東廡者仍稱先賢祀

於啟聖祠其餘概稱先儒考舊時兩廡從祀尙有荀况

劉向楊雄戴聖鄭衆馬融鄭元何休服虔盧植賈逵王

肅杜預王弼范甯吳澄十六人楊雄之祀當洪武時已

黜之矣嘉靖時詳加考覈况以言性惡黜向以喜神仙

黜融以貪鄙附勢黜休以黜周王魯黜逵以附會議緯

黜肅以黨司馬氏黜預以結貴要建短喪黜弼以旨宗

老莊黜澄以曾仕宋不應仕元黜衆元處極實改祀於其鄉惟戴聖之黜莫詳所以豈謂其在九江行事多不法又怨毀何武於朝無儒者風歟今計現在從祀者共

三十五人

按廷極此說考證詳覈故附錄於此但從祀考作於國初故止載十哲而今則有十二

哲止載先賢六十二人而不知崇禎末改稱先賢者五人國朝復祀者五人進祀者七人故今則有先賢七十九人載先儒三十五人內左子與二程子周子張子邵子並稱先賢後朱子復升二哲止餘二十八人國朝復祀者三人進祀者三十六人故今則有先儒六十七人

崇聖祠主位 明止祀叔梁公 國朝崇祀五代

肇聖王木金父公 宋司馬孔父嘉之子

裕聖王祈父公

詒聖王防父公 一作防叔避華氏之禍奔魯

昌聖王伯夏公

啟聖王叔梁公 為陬邑大夫

東西配位

謹按從祀諸書氏國朝

唐以後書爵明嘉靖改之咸豐七年始以孟皮

祀

先賢孔氏 名孟皮

先賢顏氏 史記名無繇字路家語無繇作繇字季路

顏子父見論語唐開元二十七年贈杞伯從祀宋大中

祥符二年封曲阜侯元元統三年封杞國公謚文恪

先賢孔氏 名鯉字伯魚子思父見論語宋崇甯元年

封泗水侯咸淳三年從祀

先賢曾氏 史記名蒧字皙家語蒧作點字子皙曾子

父見論語唐開元二十七年贈宿伯從祀宋大中祥符

二年封萊蕪侯以上三賢明嘉靖九年遷配啟聖祠改

稱先賢某氏

先賢孟孫氏 名激字公宜魯公族孟孫之後孟子父

元延祐三年封邾國公明嘉靖九年從祀

東西從祀

先儒周氏 名輔成宋周子父官桂嶺縣令累贈諫議大夫明萬曆二十三年從祀

先儒程氏 名珦字伯溫宋二程子父仁宗朝授官知冀州累轉太中大夫封永年伯

先儒蔡氏 名元定字季通宋蔡氏沈父受學朱子操履高尚嘉定三年贈迪功郎諡文節以上二儒並嘉靖九年從祀

先儒張氏 名迪宋張子父官殿中丞知涪州 國朝

雍正元年從祀

先儒宋氏 名松字喬年宋朱子父官司勳吏部郎出

知饒州元至正二十一年謚獻靖二十二年封齊國公

祭典

用春秋二仲上丁日

至聖陳設 制帛一白色 爵三 牛一 羊一 豕一

登一 鋤一 簠二 簋二 籩十 豆十 酒罇一

祝版一

祝文 維先師德隆千古道冠百工揭日月以常行自

生民所未有屬文教昌明之會正禮合樂節之時辟雍

鐘鼓咸恪薦於馨香泮水膠庠益致嚴於邊豆茲當春秋

仲祗率彛章肅展微忱聿將祀典以復聖顏子宗聖曾

子述聖子思子亞聖孟子配尚饗

東配二位 每位一壇 制帛二白色 爵各三

羊各一 豕各一 鉶各一 簠各二 簋各二

邊各八 豆各八 酒罇一

西配二位 陳設同

東哲六位 六筵一壇 制帛六白色 瓷爵三

羊一 豕一 鉶一 簠一 簋一 邊四 豆四

酒罇一

西哲六位 陳設同

東廡 十九筵二壇 制帛二白色 爵六 羊三

豕三 簋各一 盞各一 籩各四 豆各四

酒罇一

西廡 十八筵二壇 陳設同

崇聖祠陳設 五壇 制帛五白色 爵各三 羊一

豕一 鉶二 簋二 盞二 籩八 豆八 酒罇

一 祝版一

祝文 維王奕葉鍾祥光開聖緒盛德之後積久彌昌
 凡聲教所覃敷率循源而溯本宜肅明禋之典用申守
 土之忱茲屆仲春聿修祀事配以先賢孔氏先賢顏氏
 先賢曾氏先賢孔氏先賢孟孫氏備饗

東配三位 一壇 制帛二白色 爵三 羊一

豕一 簠一 簋一 籩四 豆四 酒罇一與西配

共

西配二位 陳設同

未從祀三位 一壇 制帛三白色 爵三 羊豕各

一簋一盞一邊四豆四酒罇一與西從祀
共

西從祀二位 陳設同

禮器 牲俎三十四 登一 鉶二十二 邊一百七
十八 豆一百七十八 簋四十四 簠四十四 帛
筐二十四 爵八十 罇八十

樂器 編鐘一 編磬一 琴四 瑟四 鳳簫二

簫二 笛二 篪一 笙二 壎二 楹鼓一 搏拊
一 祝一 斝一 麾一

舞器 旌節二 羽三十六 籥三十六

以上祭器禮器樂器舞器俱於乾隆七年奉

旨頒發

樂章 春祭夾鐘為宮應鐘起調秋祭南呂為宮仲呂

起調

迎神樂奏昭平之章

無舞

大哉孔子先覺先知與天地參萬世之師祥徵麟紱韻

答金絲日月既揭乾坤清夷

初獻樂奏宣平之章

有舞

予懷明德玉振金聲生民未有展也大成俎豆千古春
秋上丁清酒既載其香始升

亞獻樂奏秩平之章有舞

式禮莫愆升堂再獻饗協鼓鏞誠孚魯獻肅肅誰誰譽

髦斯彥禮陶樂淑相觀而善

終獻樂奏敘平之章有舞

自古在昔先民有作皮弁祭菜於思論樂惟天屬民惟

聖時若彝倫攸敘至今木鐸

徹饌樂奏懿平之章無舞

先師有言祭則受福四海饗宮疇敢不肅禮成告徹毋
疏毋瀆樂自所生中原有菽

送神樂奏德平之章

無舞

鳧嶧峩峩洙泗洋洋景行行止流澤無疆聿昭祀事祀
事孔明化我蒸民育我膠庠

祭儀 前一日承祭官補服至省牲執事者滌器展樂
懸整舞列陳設祭器祭品畢屆期更朝衣是夜四鼓委
員先祭崇聖祠畢乃祭文廟獻官至官廳聽報班鼓響
佾禮生排班卽位禮生引獻官盥洗分獻官俱盥洗訖

各至階下立執事者各司其事陪祭分獻官各就位獻
官就位瘞毛血迎神樂奏各官行禮初獻奏樂獻官詣
至聖位前獻帛獻爵讀祝以次詣四配位獻帛爵復位
分獻各官亦行禮獻帛爵畢各復位樂止亞獻終獻無
祝帛餘如前儀飲福受胙奏樂徹饌送神各官行禮如
初望燎奏樂畢崇聖祠祭儀同無樂舞

陳

設

禮

器

總

圖

正

位

東哲

東配

西配

西哲

酒壺
樽爵置

樽
犧樽
二十
爵

所象
樽九
案

酒
帛置

樽
太樽
八
爵

所
案

東廡

酒爵
六帛

樽
山樽
爵

所
帛二
案

酒
壺
置

樽
著樽
帛

所
奠
爵
案

西廡

盥洗壘
盥洗槃
所
巾

門

戟

正殿陳設之圖

爵 爵 爵

銅 盞 盞 盞 銅 盞 盞 盞

邊 棗 栗 邊 蠶 蠶

邊 棗 栗

邊 芡 鹿脯

白餅

菱 燭小

黑餅 燭小

几 香

篚 帛 俎

牛

香

羊

燭

豕

燭

讀祝位

豆 韭 醢 醢

豆 菁 醢 鹿醢

芹 菹

兔醢 燭小


豆 筍 醢 魚醢

脾 析

豚 胎 燭小

每位一壇

配位陳設之圖



二十哲陳設圖

每位一筵共十二筵東西分二壇每壇羊豕各一

邊

栗

鹿脯

醯

棗

小燭

簋

稷

供爵

鉶

稷

簋

梁

香几

帛

俎

豕

羊

獻爵

燭

獻爵

香

獻爵

燭

菁

醢

小燭

豆


芹

醢

每四位一筵共三十七筵東西分四壇羊豕各六

兩廡陳設之圖

每壇



崇聖祠 每位一壇惟減太宰太羹白餅黑餅脾析豚脂餘皆同東西配賢儒各二壇每壇羊豕各一

樂舞位次之圖

舞舞舞舞舞舞

舞舞舞舞舞舞

舞舞舞舞舞舞

舞舞舞舞舞舞

舞舞舞舞舞舞

舞舞舞舞舞舞

旌

虞鐘

鼓

排簫

簫

笙

瑟

琴

琴

搏拊

歌工歌工

麾祝

敵

歌工歌工

搏拊

琴

琴

瑟

笙

壎

篪

簫

排簫

磬

虞

旌

論曰舊志列文廟於建置在縣署之次學署之上儕神道於人道甚無謂也其聖賢位號則又列諸秩祀而駕置壇壝之前躋人鬼於天神尤非禮也夫學宮爲育才之地而古者入學必先釋奠於先聖先師故文廟之設所以動學者尊師嚮道之心使之望宮牆而知仰託聖宇而知歸斯乃學校之大典不惟非官署比亦不得與羣祀倫也昔太史公贊孔子以爲讀孔氏書想見其爲人適魯觀仲尼廟堂車服禮器低徊留之不忍去蓋聖教之入人甚深而廟堂之動人愾慕久矣况甯陽密邇

聖居百里而近汝光諸流派連洙泗登蟠龍九峯之巔
瞻望尼山宛在几闥流芬餘澤猶有存焉者乎乃開嘗
與邑中博士弟子遊詢以歷代建學之制及我

朝崇儒之典與夫先賢先儒位號之遞更升祔之先後能
言其故者蓋什無二三焉夫士之繫籍學官者皆以聖
賢爲師者也矧七十子半屬魯人漢諸經師亦多與於
齊魯之間凡茲先哲率鄉賢也及考唐宋封爵公夏子
封鉅平侯穀梁子封龔邱伯雖虛加位號而胙土必有
所本顧習矣不察讀其書不知其人是何異魯之鄙人

不識夫子輒謂為東家某哉爰於修志之次遠稽往牒
 近徵會典舉凡追贈加封隆儀鉅制以及授受淵源之
 故節文器物之詳靡不博採約錄悉著之篇俾都人士
 有考焉

文昌閣祭

文昌之神

用春秋二仲上丁日與文廟同

同治十一年
紳士張魯瞻

募捐重修
圍牆大門

陳設 制帛一 爵三 羊一 豕一 簠一 簋一

邊四 豆四

魁星樓祭

魁星之神

祭日陳設並同文昌閣

天下學宮多祀文昌魁星按史記天官書

斗魁戴匡六星曰文昌宮一曰上將二曰次將三曰貴相四曰司命五曰司中六曰司祿是文昌乃斗魁之總名而六星則將相祿命之分司初非文昌外更有魁星也或言奎宿為魯分野宋初五星聚奎大儒輩出則魯儒祀之宜已但奎非魁也至世所傳梓潼帝君者姓張名亞子居蜀之七曲山仕晉戰歿人為立廟祈禱輒應唐宋累封至英顯王道家謂上帝命梓潼掌文昌府事及人間祿籍元加號為帝君天下學校亦有祠祀者明景泰中因京師舊廟闕而新之歲以二月三日生辰遣祭成化元年禮科張九成請正祀典章下部議以梓潼顯靈於蜀食其地為宜文昌六星與之無涉遂罷其祀詳明史禮樂志 國朝嘉慶六年川省用兵神威靈屢著

特詔天下

學宮皆立文昌廟春秋致祭與

關帝并列而魁星

不在祀典世俗因魁字從鬼從斗輒肖為惡鬼持斗狀則失之不經矣

名宦祠 會典祭用春秋二仲丁日舊志祭日與文廟

同

陳設 制帛一 爵三 羊一 豕一

祝文 卓哉羣公懋修厥職澤被生靈功垂社稷今值

仲春秋謹以牲帛醴齊用仲明薦尚饗

入祀諸位

先賢高子 名柴魯成宰

庚 賁 唐龔邛令

王 珩 金龔令

齊希文 金甯陽令按元始改令為尹希文金人舊志作縣尹非

翟 弁 明知縣以上俱見宦績傳

國朝

朱昌祚 高唐州人初奉天籍康熙四年任直隸河南山東三省總督

李蔭祖 奉天鐵嶺人順治十一年以兵部尚書總督直隸河南山東三省

李 鈞 奉天鐵嶺人原任安徽巡撫康熙二十四年來山東助賑

趙申季 江南武進人康熙四十五年任山東學政以上併詳宦績傳

蘇宏祖 遼陽人生員順治四年任山東右布政使

侯居廣

正白旗人廕生康熙四十九年在山東布政使

王用霖

鑲黃旗人廕生康熙五十五年任山東布政使

衛既齊

山西猗氏人進士康熙二十七年任山東布政使

吳毓珍

奉天人副貢康熙三十三年任山東按察使

蔡琦

奉天人康熙五十一年任山東按察使

蘇昌臣

正紅旗人康熙三十四年任山東按察使

朱廷楨

奉天人廕生康熙三十五年任山東督糧道

韓鎬

山西蒲州人康熙五十一年任山東濟東道

宋廣業

舊志名缺今按省志補江南崇明人貢生康熙四十四年任山東濟東道

任塾

江南江甯人進士康熙二十七年以按察司僉事任山東提學道

徐炯

江南崑山人進士康熙三十九年以按察司僉事任山東提學道

宋學朱

南直隸長洲人明崇禎間任巡按山東監察御史殉節卹贈嘉議大夫大理寺卿 國朝誥贈

光祿大夫太子太傅文華殿大學士禮部尚書加一級詳見宦績傳

李之庚

直隸真定人舉人明崇禎十五年任本縣知縣殉節詳見宦績傳

种起鳳

陝西華州人吏員明末任本縣典史 國初仍留任捕賊遇害

劉斯崑

江西南豐人進士山東布政使道光二十六年入祀

按舊志所載入祀諸名宦俱不詳其事蹟年代籍貫亦概不注明遂至無可稽考功德在民馨香尸祝而不悉其爲何許人誠缺典也今按省志有傳者補入宦績傳事蹟無考者則悉錄其籍貫履歷如右

鄉賢祠 祭日陳設並與名宦祠同

祝文 於惟羣公孕秀茲邦懿德卓行奕世流芳今值

仲春謹以牲帛醴齊用伸明薦尙饗

入祀諸位

鄭宏 漢御史大夫

王章 漢京兆尹

戴封 後漢太常

劉梁 後漢野王令

劉楨 後漢五官中郎將文學

王治 元孝子

王賢 明順天府尹

許彬 明翰林學士入直文淵閣

孟統 明荆門州知州

吳孟祺 明潼關兵備副使

張樸 明富平縣主簿

朱永膺 明夏津縣教諭殉節

國朝

周爰訪 內宏文院編修

甯允濟 廩生 誥贈通議大夫陝西按察使司按察使

朱克配 六安州同知

吳崇禮 明南京刑部尚書 國朝入祀

甯之鳳 陝西右布政使

陳朱垣 江甯府江防同知

周仔世 監生

苑生瑞 生員

周治世 利津教諭以上俱有傳

忠義祠 在文昌閣後雍正元年禮臣議覆通行州縣

建忠義孝弟祠於學宮內祠內立石碑將忠義孝弟之人刻姓名於其上已故者設牌位每歲春秋二次致祭祭品同名宦鄉賢二祠同治六年紳士甯復箴等捐貲重修

祝文 惟靈稟賦貞純躬行篤實忠誠奮發貫金石而不渝義問宜昭表鄉閭而共式禮事懋彝倫之本性摯莪蒿克恭念天顯之親情殷棣萼模楷咸推夫懿德

綸恩特闡其幽光祠宇維隆歲時式祀用陳尊簋來格
几筵尙饗

入祀諸位

王治 元孝子

吳道東 明尙書崇禮祖

王應珍 明耆德

劉繼舜 明孝子

郭增 明孝子

柳國棟 明魯藩儀賓殉節

商至剛 明義士

陳朱墀 明諸生殉節

國朝

韓芝芳 廩貢生

程待聘 樂安訓導

張文月 孝子

張芳柱 增生

張懷亮 孝烈

周朝俊 孝子

周果 候選州同知

張士縉 篤行

胡士維 篤行

杜景詩 歲貢生

王進解 義士

張時敘 歲貢生

史秉正 農官

司進選 孝子

劉梓 歲貢生

張愚 廩生

田堯民 篤行

杜元凱 歲貢生

閻經世 廩貢生

張守分 耆德

甯之鐸 耆德見兄之瑚文學傳

甯霖 江蘇無錫縣高橋司巡檢以上俱有傳

杜振玉 恩貢生

許國珍 候選州同知

柯允升 附生有傳

朱緒振 附生

周遠昌 舉人有傳

閻篤忠 棲霞縣訓導有傳

甯雲鶴 附貢生有傳

柳潤沂 附生

凡咸豐同治間殉難士民應入祀者姓名均彙載忠

義傳中茲不複書

文廟考 附

廟門 舊名戟門按宋太祖建隆年間詔用正一品禮立十六戟於文宣王之廟內徽宗大觀四年詔用王者制廟內增二十四戟故有戟門之名明嘉靖九年改戟門曰先師廟門又於廟門外另設櫺星門以著尊崇之義

櫺星門 史記封禪書櫺星天田星也按櫺當作靈詩毛傳絲衣靈星之尸也古迎尸於門內故元以爲郊壇門名文廟有靈星門似始於此明洪武三十年改建國

學帝自爲規畫已有靈星門不云始設蓋沿元舊而本朝沿明舊也

大成殿 宋徽宗政和四年御書大成殿額頌孔廟自是郡縣學宮俱稱大成殿遂爲定制

明倫堂 元世祖至元十三年雲南行省平章賽典赤始建明倫堂購儲經史因下其式於諸路

臥碑 明太祖洪武十五年詔頒臥碑置明倫堂左尊經閣 元仁宗延祐二年常州路總教史堧卽庠序建尊經閣以備書籍詔天下學校皆建閣

敬一亭 明世宗嘉靖五年作敬一箴頒之太學遂詔郡邑學校皆鑄石竝刊程子四箴范氏心箴作亭覆之故名

泮池 按朱子圖說曰以其半於辟雍故曰泮宮又曰諸侯之樂半於天子故魯頌有在泮之文今學宮必有泮池昉此

射圃 古者習射澤宮夫子射於矍相之圃故各學均置射圃明洪武三年詔定學校射儀每月朔望習射於射圃樹鵠置射位初定三十步後加至九十步

禮器攷

俎 以木爲之

登 瓦豆以薦太羹

釶 以薦和羹

籩 竹豆

豆 木豆二器薦水土之器

簠 方

簠 圓皆瓦器今亦範金爲之皆盛黍稷

篚 竹器承帛

爵 以獻爵

玷 以土爲之今亦用金以置爵

雲雷尊 範金爲之腹刻雲雷以盛初獻酒

象尊 範金作象形以盛亞獻酒

犧尊 範金作犧形以盛終獻酒

山尊 範金爲之以盛獻配酒

著尊 範金爲之以盛獻哲酒

壺尊 範金爲之以盛獻兩廡酒

泰尊

瓦器以盛酒

勺

范金作勺以木為柄所以酌酒

罍洗

范金為之以盥手罍盛水洗受棄水

盥槃

范金為之盛水盥手

巾

白布為之以拭手

燭臺

范金為之以然燭

鼎

范金為之以蒸香

祝版

以木為之高九寸闊一尺二寸以貼祝文

樂器攷

鳳簫

十二管据三禮集說管端施簧

簫

單簫也即周禮之簫今謂之簫

笛

羌笛也古雅樂無笛而文舞吹籥

笙

十七簧

篪

橫吹

壎

與篪相應

琴

七絃

瑟

二十五絃有柱

鐘 磬 編鐘編磬皆十六枚而在一虞古者鐘各隨其律之度數為大小短長今則形體一例唯以厚

薄為差等古者十二正律外有四清聲謂黃大太夾也今則用夷南無應四倍鐘而無清聲

鼓 兩旁 拊 以韋為之實之 以糠以節歌

祝 所以 致 所以 止樂

麾 古無此制今用以起樂則舉之以止樂則偃之其制以絳繒為旗長七尺闊一尺一寸上板繪雲下板繪

山以聯首尾前繪升龍後繪降龍首塗金銜其尾下垂以木為架朱髹植麾於上奏樂則麾生執之升龍向外

降龍向內一舉一偃按樂之起止以指麾之

舞器攷

旌節 以紅絨為之纓上加塗金銅雲蓋其上數九長七尺以紅絨絛繫之下綴以結竿長八尺五寸朱髹

旌節 尺以紅絨為之纓上加塗金銅雲蓋其上數九長七尺以紅絨絛繫之下綴以結竿長八尺五寸朱髹

尺以紅絨為之纓上加塗金銅雲蓋其上數九長七尺以紅絨絛繫之下綴以結竿長八尺五寸朱髹

尺以紅絨為之纓上加塗金銅雲蓋其上數九長七尺以紅絨絛繫之下綴以結竿長八尺五寸朱髹

末施塗金龍首銜其節二人執立於東西兩階舞生之前以導其舞

翟右手執

籥左手執

樂器鐘一堵磬一堵琴六瑟二鳳簫篴壎搏拊如其瑟數簫遂笙如其琴數楹鼓一祝一敔一樂生三十九人歌生六人麾生一人凡四十六人俱堂上之樂其敘則麾生一人立神位左西向次左祝右敔次左右搏拊各東西對立次左右歌生以次而南亦東西對立次琴六人左者以次而東右者以次而西俱北向立次左右瑟各一次左右笙簫各六笙在內簫在外次左右壎篴鳳

簫及篴亦以次而東西北向立於笙簫之後次左鐘右磬又次楹鼓居其左焉以上皆山東通志所載今按古者堂上之樂搏拊琴瑟而已其工則席於西階之上少東鐘磬諸器在堂下各有位次歌奏皆樂工舞用國子今州縣舉行丁祭槩用樂生不分堂上堂下云

祭品攷

太羹 周禮註煮肉汁不和

和羹 周禮註肉汁加以五味

黍 結穗如稻散垂而毛高而似蘆者非

稷 禮謂明粢乃粢之不糯者

稻 水田所種杭米

梁 似粟而大有青黃白三種以上四品俱揀擇圓好滾

湯泡滂
成飯

形鹽
周禮鹽人掌形鹽散鹽
註謂形鹽刻為虎形之

類

蕘魚
周禮鮫人為鱻蕘註鱻
生魚蕘乾魚今制用鮮

魚薄醃乾之臨用

溫水洗酒浸危時

菱茨
俱水果菱卽今菱
角茨卽今茨實

棗栗榛

俱陸果以上水陸菓
皆揀用潔淨圓好者

韭菹

周禮七菹謂醃菜為之菹今
製截去本末取中三寸淡用

菁菹

菁蔓菁菜頭似蘿蔔色微青
今製用湯瀹過作長段淡用

醃醃

醃肉醬也醃醃之多汁者今製用細切
脂膾肉拌油鹽蔥椒蒔蘿茴香為之

鹿脯

周禮腊人掌乾肉脯卽肉之乾者今
製用鹿肉切作塊酒醃炙乾用之

鹿醃

切鹿肉作小塊用油鹽蔥
椒蒔蘿茴香拌勻為醃

兔醢 製法 同上
芹菹 芹水菜也如 製菁菹法

筍 乾筍今製法煮熟 魚醢 如造鹿 醢法

豚胎 豬肩肉蒸 脾析 牛百葉脂洗刮極 淨煮熟細切長條

白餅 用小麥麩造以沙糖 黑餅 用蕎麥麩造以沙糖 為餡印作圓餅子

帛 官制每段各長一丈八尺禮為 量帛謂量度其長短為之制也

木香 蠟燭 鮮紅 色

炬 鐙

庭燎

學制

順治九年

欽頒臥碑文於直省儒學明倫堂

碑文曰朝廷建立學校選取生員免其丁糧厚以廩餼設學院學道學官以教之各衙門官以禮相待全要養成賢才以供朝廷之用諸生皆當上報國恩下立人品所有條教開列於後

一 生員之家父母賢智者子當受教父母愚魯或有爲非者子旣讀書明理當再三懇告使父母不陷於危亡

一 生員立志當學爲忠臣清官書史所載忠清事蹟務須互相講究凡利國愛民之事更宜留心

一 生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其生常宜思省

一 生員不可干求官長交結勢要希圖進身若果心善德全上天知之必加以福

一 生員當愛身忍性凡有司官衙門不可輕入卽有切己之事止許家人代告不許干預他人詞訟他人亦不許

牽連生員作證

一爲學當尊敬先生若講說皆須誠心聽受如有未明從容再問毋妄行辨難爲師亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

康熙四十一年

御製訓飭士子文彙行直省

文曰國家建立學校原以興行教化作育人才典至渥也朕臨御以來隆重師儒加意庠序近復慎簡學使釐剔弊端務期風教修明賢才蔚起庶幾棧樸作人之意乃比年士習未端儒教罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功源委有敘爾諸生幼聞庭訓長立宮牆朝夕誦讀甯無究心必也躬行實踐砥礪廉隅敦孝弟以事親秉忠貞以立志窮經考業勿雜荒誕之談取友親師悉化驕盈之氣文章歸於醇雅毋

事浮華軌度式於規繩最防蕩軼子衿佻達自昔所譏苟行
止有虧雖讀書何益若夫宅心弗淑行已多愆或蜚語流言
挾制官長或隱糧包訟出入公門或唆撥奸猾欺孤凌弱或
招呼朋黨結社要盟乃如之人名教不容鄉黨勿齒縱幸脫
褫扒江箱章縫返之於衷甯無愧乎若夫鄉會科名乃掄才
大典關係尤鉅士子果有真才實學何患困不逢年顧乃標
榜虛名暗通聲氣夤緣詭遇罔顧身家又或改竄鄉貫希圖
進取囂陵騰沸網利營私種種弊端深可痛恨且夫士子出
身之始尤貴以正若茲厥初拜獻便已作奸犯科則異日敗

檢踰閑何所不至又安望其秉公持正爲國家宣猷樹績膺
後先疏附之選哉朕用嘉惠爾等故不禁反覆惓惓頌茲訓
言爾等務共體朕心恪遵明訓一切痛加改省爭自濯磨積
行勤學以圖上進國家三年登造束帛弓旌不特爾身有榮
卽爾祖父亦增光寵矣逢時得志甯俟他求哉若乃視爲具
文玩愒不傲毀方躍冶暴棄自甘則是爾等冥頑無知終不
能率教也旣負栽培復干咎戾王章具在朕亦不能爲爾等
寬矣自茲以往內而國學外而直省鄉校凡學臣師長皆有
司鐸之責者並宜傳集諸生多方董勸以副朕懷否則職業

勿修咎亦難追勿謂朕言之不預也爾多士尙敬聽之

謹按我

朝文治光昭教思廣被嘉惠士林實難臚舉惟茲

二聖典謨著明深切既已勒石黌宮用資觀感迨學使按臨之

始又必於明倫堂集衆宣講載諸令甲洵負笈之徒所

當奉作準繩瞻同雲

日者也故恭錄於此

欽頒書籍

上諭一部

一部二十四册
一部十册

上諭四册

聖諭廣訓一册

御製訓飭士子文一册

御纂周易折中二部
二函計十册

欽定書經傳說二部
四函二十四册

欽定詩經傳說二部
四函三十六册

欽定春秋傳說二部
四函三十六册

御纂理性精義二部
二函十二册

御纂資治通鑑綱目一部
明紀四册

欽定四書文一部
二十册

御纂周易述義一部
一函六册

御纂詩義折衷一部
一函八册

御纂春秋直解一部一函八册

明史一部十二函計一百十二册

學政全書一册

文武儀注一册

廩生 明洪武初定縣學二十人於民間選補

增生 明宣德元年定增廣之額如廩生數

附生 明正統十二年令於常額外考取俊秀待補增廣名曰附學生

國朝沿明制 順治四年定直省各學大學取生員四十

名中學三十名小學二十名又定各學廩生府學四十名州三十名縣二十名增生額數同後自十五年迨康熙九年名數增減不等二十八年議定府學取進三十五名大學二十名中學十六名小學十二名雍正二年奉

旨查核甯陽縣向係小學應取十二名邑人候選州同周果以歲科試期本縣文童近千人例合推廣額數據實呈請學政具題奉部覆准升爲中學取進十五名歲科兩試同每遇

慶典及

登極詔書俱廣額如例

歲貢 明洪武十六年令天下府州縣學歲貢生員一人限正月到京翰林院考試中者發國子監不中者罰充吏此歲貢之始必考學行後但取食廩年深者挨次而升

恩貢 國家有慶典或登極詔書以當貢者充之其次卽爲歲貢見明史選舉志

國朝竝沿明制

選貢 明宏治中南京祭酒章懋乞於常貢外令提學行選貢之法不分廩增生員通行考選務求學行兼優年力富強者乃以充貢部議準行此選貢之始萬曆中用工科郭如心言以有妨歲貢罷其科崇禎中又嘗舉行

國朝沿明制 或十年或二十年或六年一次自乾隆七
年始定制十二年一科

副貢 明未舉行

國朝 順治二年令順天鄉試副榜入監此副貢之始

優貢 明未舉行

國朝 雍正十一年禮部奏準各省優生令學政出考具題到部由廩增者準作歲貢由附生武生者準作監生是爲優貢之始

例貢 明有納貢乃諸生納粟納馬而入監者史稱其視例監稍優而實相仿

國朝沿明制 亦有由監生遵例加捐者

武生 明有武舉而無武生

國朝 康熙十年準直省考試武童大中小學名數照文

童額進取

義學 在駐防營房西卽舊工部分司署久廢

東山書院 在城東金羊山乾隆八年知縣李夢雷建
久廢

學田 舊額十六頃六畝載省志

卷價 邑人無錫縣高橋司巡檢甯霖於乾隆三十年

捐制錢一百千交當商生息每屆鄉試以息銀作卷價
由縣當堂給發凡科試錄取貢監及府縣學一二等三
等前三名文生俱準按名支領嘉慶十二年刊碑學宮

邑令要公蘭若撰記 咸豐元年六月朔舉人周遠昌
捐制錢一百五十千照甯霖例交當生息爲一二等三
等前三名卷價 又捐制錢一百千爲遺才卷價 布
政司理問銜劉潤溪亦於咸豐元年六月朔捐制錢五
十千交當生息爲一二等三等前三名卷價

續增卷價有歸正案者有歸遺才者分列於後

前縣董公春卿捐制錢五十千李公琛捐制錢五十千
鹽店捐制錢五十千紳士甯錫桓捐制錢一百千己卯
科得利作本錢五十千以上皆歸正案丁卯停科得利

作本錢二百千紳士周涉畚捐制錢一百五十千以上皆歸遺才紳士劉潤溪甯奉峩公捐制錢三百千以二百千歸正案一百千歸遺才

以上捐款歸正案者制錢八百千歸遺才者五百五十千均發商生息每屆賓興連舊存之項當堂發領自丙子科爲始改爲帶至省城按名散給

新設義學 咸豐十年邑侯董公春卿於高子祠後捐廉創建共爲屋六楹廚房一間延師教讀後任張公燁復捐貲市錢百貫合諸紳士張魯瞻所捐市錢九十貫

生息以充學中費用子弟多往受業

續增

武廟 唐開元中以武成王與文宣王為文武宗祀元天

者太公至元始 舊在縣西關祭用春秋仲月丁日

謹按 關聖祠宇徧天下 史册者唐建中三年詔定古

今名將六十四人配享武成王廟 舊稱漢前將軍漢壽

亭侯廟元天曆元年封顯靈威勇武安英濟王明萬曆

二年賜祠額曰英烈 張爾岐蒿菴間話萬曆末內出金

天尊 關聖帝君於正陽門外祠醮三日太

常祭祀則仍舊稱天啟間部覆得旨稱帝君 會典順治

九年 敕封忠義神武關聖大帝每歲五月十三日致祭雍正三年

詔天下郡縣春秋祀關帝以太牢以後疊加封號咸豐初又
加封升爲中祀更改祝文增定樂章春秋丁祭三獻大
禮與文廟同

陳設春秋用 制帛一 爵三 牛一 羊一 豕一

鉶二 簋二 籩十 豆十 酒樽一

五月十三日用 制帛一 牛一 羊一 豕一

果品五

春秋祭祝文

致祭於

忠義神武靈佑仁勇威顯精誠

咸豐七年加號綏靖

護國保民關

聖大帝神位前曰惟神星日英靈乾坤正氣允文允武

紹聖學於千秋至大至剛顯神威於六合仰聲靈之赫

濯崇典禮於馨香茲當仲

春用昭時祭惟祈

昭格克鑒精虔尙饗

五月十三日祝文

致祭於

封號同前

神位前曰惟神九宇承庥兩儀合撰崧生

嶽降潮誕聖之靈辰日午天中屆恢台之令序聰明正

直壹者也千秋徵胖嚮之隆盛德大業至矣哉六幕肅
馨香之薦爰循茂典式展明禋苾芬時陳精誠

鑒格尙饗

樂章 春祭夾鐘清均倍應鐘起調秋祭南呂清均仲

呂起調

迎神樂奏格平之章

懿鑠兮焜煌神威靈兮赫八方偉烈昭兮累禋祀事明
兮永光達精誠兮黍稷馨香儼如在今洋洋

奠帛初獻樂奏翊平之章

英風颯兮神格思紛羽蓋兮龍旂
颯桂醑兮盈危香始升兮明粲
惟降鑿兮在茲流景祚兮朝昌時

亞獻樂奏恢平之章

觴再酌兮告虔舞干戚兮合宮
應歡茲芬兮潔蠲屬魏顯翼兮神功宣

終獻樂奏靖平之章

鬱鬯兮三申羅籩盥兮畢陳儀卒度兮肅明禮神降福兮宜民宜人

徹饌樂奏彝平之章

物惟備兮咸有明德惟馨兮神其受告徹兮禮終罔咎

佑我家邦兮孔厚

送神樂奏康平之章

送神奏其一 望燎奏其二

惟葆歲蕤兮神聿歸馭鳳軫兮驂虬駢降煙熅兮餘馥

馡回靈盼兮德洽明威 其一

焄蒿烈兮燎有輝神光遙燭兮祥雲霏既受福兮茂典

無違揚駿烈兮永奠邦畿

其二 以上樂章初次鈔行 間有譌字茲按部頒樂譜詳

加釐正又順天府府丞張鏞奏 准武廟樂舞生俱准俊秀捐充

後殿舊名三公殿祭關聖三代咸豐五年由公爵晉封

王爵更換神牌祝文一切祭品均與文廟宗聖祠同

曾祖光昭公加封爲光昭王

祖裕昌公加封爲裕昌王

父成忠公加封爲成忠王

春秋二祭祝文 惟王世澤覃休令儀裕後靈鍾河嶽

篤生神武之英誠溯淵源宜均尊崇之報班爵超躬桓

以上升香肅俎豆之陳茲際仲春秋爰修祀事尙祈昭鑒

式此苾芬

五月十三日祝文 維王迪德承家累仁昌後崧生嶽

降識毓聖之有基本本水源宜推恩之及遠封爵特超
於五等馨香永薦於千秋際仲夏之屆時命禮官而將
事惟祈昭格鑒此精虔

縣西關舊廟已圯春秋丁日久於三義廟前殿致祭建
置已久前殿奉 關帝後殿爲三義廟後爲財神廟官

廳光緒十年典史徐銓捐錢二千鹽店壽安長捐
錢一百六十千蔭際泰捐錢六十五千督工增修大殿
神龕罩以玻璃補葺羣墻甬路磚地油彩門楹裝飾房
屋一新 重增

卷八終

